

四庫全書

子部

欽定四庫全書

子部
朱子語類卷七十九

詳校官中書臣程炎

刑部郎中臣許兆椿覆勘

總校官中書臣朱鈺

校對官學正臣李巖

謄錄舉人臣黃嵩齡

欽定四庫全書

朱子語類卷七十九

尚書二

禹貢

禹貢一書所記地理治水曲折多不甚可曉竊意當時
治水事畢却總作此一書故自冀州王都始如今人
方量畢總作一門單耳禹自言予決九川距四海濬
畎澮距川一篇禹貢不過此數語極好細看今人說

禹治水始於壺口鑿龍門某未敢深信方河水洶湧其勢迅激縱使鑿下龍門恐這石仍舊壅塞又下面水未有分殺必且潰決四出蓋禹先決九川之水使各通於海又濬畎澮之水使各通于川使大水有所入小水有所歸禹只是先從低處下手若下面之水盡殺則上面之水漸淺方可下手九川盡通則導河之功已及八分故某嘗謂禹治水必當始于碣石九河蓋河患惟兗為甚兗州是河曲處其曲處兩岸無山

皆是平地所以潰決常必在此禹自其決處導之用
工尤難孟子亦云禹䟽九河淪濟漯而注之海蓋皆
自下流䟽殺其勢耳若繇則只是築堙之所以九載
而功弗成也銖

禹當時治水也只理會河患餘處亦不大段用功夫河
水之行不得其所故汎濫浸及他處觀禹用功初只
在冀以及兗青徐雍却不甚米東南積石龍門所謂
作十三載乃同者正在此處龍門至今橫石斷流水

自上而下其勢極可畏向未經鑿治時龍門正道不甚泄故一派西滾入關陝一派東滾往河東故此為患最甚禹自積石至龍門著工夫最多又其上散從西域去往往亦不甚為患行河東者多流黃泥地中故只管推洗泥汁只管凝滯淤塞故道漸狹直上流下來纔急故道不泄便致橫湍他處先朝亦多造鐵為治河器竟亦何濟或問齊桓塞九河以富國事果然否曰當時葵丘之會申五禁且曰無曲防是令人

不得私自防遏水流他終不成自去塞了最利害處
便是這般說話亦難憑問河患何為至漢方甚曰史
記表中亦自有河決之文禹只是理河水餘處亦因
河溢有些患看治江不見甚用力書載岷山導江東
別為沱東至于澧過九江至于東陵東迤北會于涇
東為中江入于海若中間便用工夫如何載得恁略
又云禹治水先就土低處用工

賀孫

禹治水大率多是用工於河治梁及岐是鑿龍門等處

冀州三面邊河兗州亦邊河故先冀即兗揚

禹治水乃是自下而上了又自上而下後人以為自上而下此大不然不先從下泄水却先從上理會下水泄未得上當愈甚是甚治水如此

禹貢集義今當分解如冀州既載壺口治梁及岐當分作三段逐段下注地名漢為甚郡縣唐為甚郡縣今為甚郡縣下文既修太原至于岳陽覃懷底績至于衡漳當為一段厥土白壤云云又為一段碣石云云

又為一段方得仔細且先分細段解了有解得成片者方成片寫於後黑水弱水諸處皆須細分不可作大段寫

禹貢地理不須大段用心以今山川都不同了理會禹貢不如理會如今地理如禹貢濟水今皆變盡了又江水無沱又不至澧九江亦無尋處後人只白捉江州又上數千里不說一句及到江州數千里間連說數處此皆不可曉者禹貢但不可不知之今地理亦

不必過用心今人說中原山川者亦是兇說不可見
無攷處舊鄭樵好說後識中原者見之云全不是振
因說三江之說多不同銖問東坡之說如何曰東坡不
曾親見東南水勢只是意想硬說且江漢之水到漢
陽軍已合為一不應至揚州復言三江薛士龍說震
澤下有三江入海疑他曾見東南水勢說得恐是因問
味別地脉之說如何曰禹治水不知是要水有所歸
不為民害還是只要辨味點茶如陸羽之流尋脉踏

地如後世風水之流耶且太行山自西北發脉來為天下之脊此是中國大形勢其底柱王屋等山皆是太行山脚今說者分陰陽則言導岍及岐至於荆山山脉逾河而過為壺口雷首底柱析城王屋礪石則是荆山地脉却來做太行山脚其所謂地脉尚說不通况禹貢本非理會地脉耶錄

禹貢西方南方殊不見禹施工處緣是山高少水患當時只分遣官屬而不了事底記述得文字不整齊耳

某作九江彭蠡辨禹貢大槩可見于此禹貢只載九
江無洞庭今以其地驗之有洞庭無九江則洞庭之
為九江無疑矣洞庭彭蠡冬月亦涸只有數條江水
在其中義剛

江陵之水岳州之上是雲夢又曰江陵之下連岳州是
雲夢節

問岷山之分支何以見曰只是以水驗之大凡兩山夾
行中間必有水兩水夾行中間必有山江出于岷山

岷山夾江兩岸而行那邊一支去為隴

池本云那邊一支去為江

北許多去處這邊一支為湖南又一支為建康又一支為

兩浙而餘氣為福建二廣

義剛

問禹貢地理曰禹貢過字有三義有山過水過人過如過九江至于敷淺原只是禹過此處去也若曰山過水過便不通

時舉

因說禹貢曰此最難說蓋他本文自有謬誤處且如漢水自是從今漢陽軍入江下至江州然後江西一帶

江水流合大江兩江水相淤故江西水出不得溢
為彭蠡上取漢水入江處有多少路今言漢水過三
澁至於大別南入于江東匯澤為彭蠡全然不合又
如何去強解釋得蓋禹當時只治得雍冀數州為詳
南方諸水皆不親見恐只是得之傳聞故多遺闕又
差誤如此今又不成說他聖人之經不是所以難說
然自古解釋者紛紜終是與他地上水不合又言孟
子說淪濟漂而注諸海決汝漢排淮泗而注諸江據

今水路及禹貢所載惟漢入江汝泗自入淮而淮自入海分明是誤蓋一時牽於文勢而不暇攷其實耳
今人從而強為之解釋終是可笑雅

東匯澤為彭蠡多此一句節

問銖理會得彭蠡否銖曰向來只據傳注終未透達曰
細看來經文疑有差悞恐禹當初必是不曾親到江
東西或遣官屬往視又是時三苗頑弗即工據彭蠡
洞庭之地往往看亦不子細因出三江說并山海

經二條云此載得其實又云浙江源疑出發源折嶺

下錄

問先生說鄭漁仲以東為北江入於海為羨文是否曰
然今考之不見北江所在問鄭說見之何書曰家中
舊有之是川本今不知所在矣又云洪水之患意者
只是如今河決之類故禹之用功處多在河所以於
兗州下記作十有三載乃同此言專為治河也兗州
是河患甚處正今之澶衛州也若其他江水兩岸多

是山石想亦無汎濫之患禹是不須大段去理會又云禹治水時想亦不曾遍歷天下如荊州乃三苗之國不成禹一一皆到往往是使官屬去彼相視其山川具其圖說以歸然後作此一書爾故今禹貢所載南方山川多與今地面上所有不同

廣

地理最難理會全合禹貢不着了且如岷山導江東別為沱今已不知沱所在或云蜀中李冰所鑿其所灌陰蜀中數百里之田恐是沱則地勢又太上了澧水

下有一支江或云是又在澧下太下了又如東匯澤
為彭蠡江亦不至此澤敷淺原今又在德安或恐在
湖口左右晁以道謂九江在湖口謂有九江來此合
今以大江數之則無許多小數之則又甚多亦不知
如何揚

薛常州作地志不載揚豫二州先生曰此二州所經歷
見古今不同難下手故不作諸葛誠之要補之以其
只見冊子上底故也揚

李得之間薛常州九域圖曰其書細碎不是著書手段
予決九川距四海濬畎澮距川聖人做事便有大綱
領先決九川距四海了却逐旋爬䟽小水令至川學
者亦先識箇大形勢如江河淮先合識得渭水入河
上面漆沮涇等又入渭皆是第二重事桑欽酈道元
水經亦細碎因言天下惟三水最大江河與混同江
混同江不知其所出金舊巢正臨此江斜迤東南流
入海其下為遼海遼東遼西指此水而分也又言河

東奧區堯禹所居後世德薄不能有混同江猶自是
來裏河東又言長安山並過廊延然長安却低廊延
是山尾却高又言收復燕雲時不曾得居庸關門却
開在所以不能守然正使得之亦必不能有也○方子

蒙錄云因說薛氏九域志曰也不成文字細碎了禹
決九川距四海濬畎澮距川這便是聖人做事綱領
處先決九川而距海然後理會畎澮論形勢須先識
大綱如水則中國莫大于河南方莫大于江涇渭則
入河者也先定箇大者則小者便易攷又曰天下有
三大水江河混同江是也混同江在金地金人之都

見濱
此江

肩征

問東坡疑肩征曰袁道潔攷得是太康失河北至相方
失河南然亦疑羲和是箇歷官曠職廢之誅之可也
何至誓師如此大抵古書之不可考皆此類也 大雅

湯誓

問升自陟先儒以為出其不意如何曰此乃序說經無
明文要之今不的見陟是何地何以辨其正道竒道
湯武之興決不為後世之謫詐若陟是取道近亦何

必迂路大抵讀書須求其要處如人食肉畢竟肉中
有滋味有人却要於骨頭上咀嚼縱得些肉亦能得
多少古人所謂味道之腴最有理可學因問凡書傳
中如此者皆可且置之曰固當然可學

仲虺之誥

問仲虺之誥似未見其釋湯慙德處曰正是解他云若
苗之有莠若粟之有秕他緣何道這幾句蓋謂湯若
不除桀則桀必殺湯如說推亡固存處自是說伐桀

至德日新以下乃是勉湯又如天乃錫王勇智他特
地說勇智兩字便可見尚書多不可曉固難理會然
這般處古人如何說得恁地好如今人做時文相似

孫夔

問禮義本諸人心惟中人以下為氣稟物欲所拘蔽所
以反著求禮義自治若成湯尚何須以義制事以禮
制心曰湯武反之也便也是有些子不那底了但他
能恁地所以為湯若不恁地便是惟聖罔念作狂聖

人雖則說是生知安行便只是常常恁地不已所以
不可及若有一息不恁地便也是凡人了問舜由仁
義行便是不操而自存否曰這都難說舜只是不得
似衆人恁地著心自是操

賀孫

湯誓

湯武征伐皆先自說一段義理

必大

蔡舉問書所謂降表曰古之聖賢才說出便是這般話
成湯當放桀之初便說惟皇上帝降表于下民若有

常性克綏厥猷惟后武王伐紂時便說惟天地萬物
父母惟人萬物之靈亶聰明作元后元后作民父母
傳說告高宗便說明王奉若天道建邦設都樹后王
君公承以大夫師長不惟逸豫惟以亂民惟天聰明
惟聖時憲見古聖賢朝夕只見那天在眼前賀
孔安國以表為善便無意思表只是中便與民受天地
之中一般泳

問天道福善禍淫此理定否曰如何不定自是道理當

如此賞善罰惡亦是理當如此不如此便是失其常理又問或有不如此者何也曰福善禍淫其常理也若不如是便是天也把捉不定了又曰天莫之為而為它亦何常有意只是理自如此且如冬寒夏熱此是常理當如此若冬熱夏寒便是失其常理又問失其常者皆人事有以致之耶抑偶然耶曰也是人事有以致之也有是偶然如此時又曰大底物事也不會變

如日月之類

只是小小底物事會變

如冬寒夏熱之類如冬間大熱

六月降雪是也近年徑
山嘗六七月大雪○個

總說伊訓太甲說命

商書幾篇最分曉可玩太甲伊訓等篇又好看似說命
蓋高宗資質高傳說所說底細了難看若是伊尹與
太甲說雖是麤却切於學者之身太甲也不是箇昏
愚底人但欲敗度縱敗禮爾廣

伊尹書及說命三篇大抵分明易曉今人看書且看他
那分明底其難曉者且置之政使曉得亦不濟事廣

伊訓

伊尹祠于先王若有服不可入廟必有外丙二年仲壬

四年節

問伊訓伊尹祠于先王奉嗣王祇見厥祖是時湯方在
殞宮太甲于朝夕奠常在如何伊尹因祠而見之曰
此與顧命康王之誥所載冕服事同意者古人自有
一件人君居喪之禮但今不存無以考據蓋天子諸
侯既有天下國家事體恐難與常人一樣行喪禮廣

古書錯繆甚多如史記載伊訓有方明二字諸家遂解
如反祀方明之類某攷之只是方字之誤方當作乃
即尚書所謂乃明言烈祖之成德也雅

與人不求備檢身若不及大槩是湯急已緩人所以引
為日新之實泳

具訓於蒙士吳斗南謂古者墨刑人以蒙蒙其首恐不
然廣

太甲

近日蔡行之送得鄭景望文集來畧看數篇見得學者
讀書不去仔細看正意却便從外面說是與非如鄭
文亦平和純正氣象雖好然所說文字處却是先立
箇已見便都說從那上去所以昏了正意如說伊尹
放太甲三五板只說箇放字謂小序所謂放者正伊
尹之罪思庸二字所以雪伊尹之過此皆是閒說正
是伊尹至誠懇惻告戒太甲處却都不說此不可謂
善讀書學者不可不知也

時舉

伊尹之言極痛切文字亦只有許多只是重遂感發得
太甲如此君陳後亦好然皆寬了多是代言如今代
王言者做耳

並其有邦厥鄰乃曰徯我后后來無罰言湯與彼皆有
土諸侯而鄰國之人乃以湯為我后而徯其來此可

見湯得民心處

闕祖

視不為惡色所蔽為明聽不為姦人所欺為聰節

咸有一德

爰革夏正只是正朔之正賀孫因問伊尹說話自分明
間有數語難曉如為上為德為下為民之類曰伯恭
四個為字都從去聲覺得語意順賀孫因說如逢君
之惡也是為上而非是為德為宮室妻妾之奉也是
為下而非是為民曰然伊尹告太甲却是與尋常人
說話便恁地分曉恁地切身至今省時通上下皆使
得至傳說告高宗語意却深緣高宗賢明可以說這
般話故傳說輔之說得較精微伊尹告太甲前一篇

許多說話都從天理窟中抉出許多話分明說與他
今看來句句是天理又云非獨此看得道理透見得
聖賢許多說話都是天理又云伊尹說得極懇切許
多說話重重叠叠說了又說

賀孫

問左右惟其人何所指曰只是指親近之臣任官是指
任事底人也任官惟賢材多是為下為民底意思左
右惟其人多是為上為德底意思其難其慎言人君
任官須是賢材左右須是得人當難之慎之也惟和

惟一言人臣為上為下須是為德為民必和必一為
此事也錄

至之問四為字當作何音曰四字皆作去聲言臣之所
以為上者蓋為君德也臣之所以為下者蓋為民也
為上猶言為君錄

論其難其慎曰君臣上下相與甚難節

問德無常師主善為師善無常主協于克一或言主善
人而為師若仲尼無常師之意如何曰非也橫渠說

德主天下之善善原天下之一最好此四句三段一段緊似一段德且是大體說有吉德有凶德然必主於善始為吉爾善亦且是大體說或在此為善在彼為不善或在彼為善在此為不善或在前日則為善而今日則為不善或在前日則不善而今日則為善惟須協于克一是乃為善謂以此心揆度彼善爾故橫渠言原則若善定於一耳蓋善因一而後定也德以事言善以理言一以心言大抵此篇只是幾箇一

字上有精神須與細者此心纔一便終始不變而有常也協字雖訓合字却是如以此合彼之合非已相合之合與禮記協於分藝書協時月正日之協同義蓋若揆度參驗之意耳張敬夫謂虞書精一四句與此為尚書語之最精密者而虞書為尤精

大雅

德無常師主善為師善無常主協于克一上兩句是教人以其所從師下兩句是教人以其所擇善而為之師道夫問協于克一莫是能主一則自默契于善否

曰協字難說只是箇比對裁斷之義蓋如何知得這善不善須是自心主宰得定始得蓋有主宰則是是非非善善惡惡瞭然於心目間合乎此者便是不合者便不是橫渠云德主天下之善善原天下之一這見得它說得極好處蓋從一中流出者無有不善所以他伊尹從前面說來便有此意曰常厥德曰庸德曰一德常庸一只是一箇蜚卿謂一恐只是專一之一曰如此則絕說不來道夫曰上文自謂德惟一動

罔不吉德二三動罔不凶曰纔尺度不定今日長些
子明日短些子便二三道夫曰到底說得來只是箇
定則明明則事理見不定則擾擾則事理昏雜而不
可識矣曰只是如此又曰看得道理多後於這般所
在都寬平開出都無礙塞如蜚卿恁地理會數日却
只恁地這便是看得不多多少少被他這箇十六字礙
又曰今若理會不得且只看自家每日一與不一時
便見要之今却正要人恁地理會不得又思量但只

當如橫渠所謂濯去舊見以來新意且放下著許多
說話只將這四句來平看便自見又曰這四句極好
看南軒云自人心惟危道心惟微數句外惟此四句
好但舜大聖人言語渾淪伊尹之言較露鋒鏃得些
說得也好頃之又曰舜之語如春生伊尹之言如秋
殺道夫

問橫渠言德主天下之善善原天下之一如何曰言一
故善一者善之原也善無常主如言前日之不受是

今日之受非也協于克一如言皆是也盖均是善但
易地有不同者故無常主必是合于一乃為至善一
者純一於理而無二三之謂一則無私欲而純乎義
理矣錄

協于克一協猶齊也

升卿

說命

高宗夢傅說據此則是真有箇天帝與高宗對答曰吾
齊汝以良弼今人但以主宰說帝謂無形象恐也不

得若如世間所謂玉皇大帝恐亦不可畢竟此理如

何學者皆莫能答

個

夢之事只說到感應處高宗夢帝賚良弼之事必是夢中有帝賚之說之類只是夢中事說是帝真賚不得說無此事只是天理亦不得揚

問高宗夢說如伊川言是有箇傳說便能感得高宗之夢琮謂高宗舊學于甘盤既乃遊于荒野入宅于河自河徂亳其在民間久矣當時天下有箇傳說豈不

知名當恭默思道之時往往形于夢寐於是審象而
求之不然賢否初不相聞但據一時夢寐便取來做
宰相或者於理未安曰遊于荒野入宅于河自河徂
亳是說高宗是說甘盤衆未應曰據來暨厥終罔顯
只是尋甘盤不見然高宗舊勞于外爰暨小人亦嘗
是在民間來

琮

惟天聰明至惟干戈省厥躬八句各一義不可牽連天
自是聰明君自是用時憲臣自是用欽順民自是用

從入口則能起羞甲冑所以禦戎也然亦能興戎如秦築長城以禦胡而致勝廣之亂衣裳者賞也在筭猶云在箱篋中甚言其取之易如云爵者上之所擅出於口而無窮惟其予之之易故必審其人果賢耶果有功耶則賞不妄矣干戈刑人之具然須省察自家真箇是否恐或因怒而妄刑人或慮施之不審而無辜者被禍則刑之施當矣蓋衣裳之于雖在我而必審其人之賢否干戈施之於人而必審自己之是

非也個

惟口起羞以下四句皆是審節

非欲起羞而出言不當則反足以起羞甲冑本所以禦戎而出謀不當則反足以起戎衣裳在筭易以與人不可不謹干戈討有罪則因以省身

惟甲冑起戎蓋不可有關防他底意節

惟甲冑起戎如歸與石郎謀反是也

惟厥攸居所居所在也節

南軒云非知之艱行之艱此特傳說告高宗爾蓋高宗
舊學甘盤於義理知之亦多故使得這說若常人則
須以致知為先也此等議論儘好

道夫

予小子舊學於甘盤既乃遯于荒野

云云

東坡解作甘

盤遯于荒野據某者恐只是高宗自言觀上文曰予
小子可見但不知當初高宗因其遯于荒野不知甘
盤是甚樣人是學箇甚麼今亦不敢斷但據文義疑
是如此無逸云高宗舊勞于外亦與此相應想見

高宗三年不言恭默思道未知所發又見世間未有箇人強得甘盤所以思得一大賢如傳說高宗若非傳說想不能致當日之治傳說若非高宗亦不能有所為故曰惟后非賢不久惟賢非后不食言必相須也個

經籍古人言學字方自說命始有

惟學遜志務時敏至厥德修罔覺遜志者遜順其志捺下這志入那事中仔細低心下意與它理會若高氣

不伏以為無緊要不能入細理會得則其修亦不來矣既遜其志又須時敏若似做不做或作或輟亦不濟事須是遜志務時敏則厥修乃來為學之道只此二端而已又戒以允懷于茲二者則道乃積于厥躬積者來得件數多也惟數學半蓋已學既成居于人上則須教人自學者學也而教人者亦學蓋初學得者是半既學而推以教人與之講說已亦因此溫得此段文義是數之功一半也念終始典于學始之所

學者學也終之所以教人者亦學也自學教人無非是學自始至終日日如此忽不自知其德之修矣或舉葛氏解云傳說與王說我教你者只是一半事那一半要你自去行取故謂之終始曰某舊為同安簿時學中一士子作書義如此說某見它說得新巧大喜之後見喻子才跋某人說命解後亦引此說又曰傳說此段說為學工夫極精密伊尹告太甲者極痛

切個

遜志則無所墜落志不低則必有漏落在下面節

問為學遜志以意逆志之分曰遜志是小著這心去順
那事理自然見得出逆志是將自家底意去推迎等

候他志不似今人硬將此意去捉那志個

因說數學半曰近見喻子才跋說命云教只數得一半
學只學得一半那一半教人自理會伯恭亦如此說

某舊在同安時見士人作書義如此說夔孫錄云某
者見古人說

話不如先說王人求多聞時惟建事此是人君且學
此險

且敷一面理會教人一面窮義理後面說監于成憲

其永無愆數語是平正實語不應中間翻空一句如

此深險

變孫錄云言語皆平正皆是實語不應得中間翻一箇筋斗去如說敷只得

一半不成那一半掉放冷處教他自得此語全似禪

語只當依古注

變孫錄云此却似禪語五通仙人問佛大通如何是那一通那一通便是

妙處且如學記引此亦只是依古注說。賜

西伯戡黎

西伯戡黎便是這箇事難判斷觀戡黎大故逼近紂都

豈有諸侯而敢稱兵於天子之都乎者來文王只是不伐紂耳其他事亦都做了如伐崇戡黎之類韓退之拘幽操云臣罪當誅今天王聖明伊川以為此說出文王意中事嘗疑這箇說得來太過據當日事勢觀之恐不如此若文王終守臣節何故伐崇只是後人因孔子以服事殷一句遂委曲回護箇文王說教好看殊不知孔子只是說文王不伐紂耳嘗見雜說云紂殺九侯鄂侯爭之強辯之疾併醢鄂侯西伯聞

之竊歎崇侯虎譖之曰西伯欲叛紂怒囚之羑里西伯歎曰父有不慈子不可以不孝君有不明臣不可以不忠豈有君而可叛者乎於是諸侯聞之以西伯能敬上而恤下也遂相率而歸之者來只這段說得

平
備

秦誓

柯國材言序稱十有一年史辭稱十有三年書序不足憑至洪範謂十有三祀則是十三年明矣使武王十

一年伐殷到十三年方訪箕子不應如是之緩此說

有理

伯羽。高錄云見得釋箕子囚了問他若十年釋了十三年方問他恐不應如此遲

同安士人杜君言泰誓十一年只是誤了經十三年為

正洪範亦是十三祀訪箕子先生云恐無觀兵之事

然文王為之恐不似武王只待天下自歸了紂無人

與他只自休了東坡武王論亦有此意武王則行不

得也

揚

石洪慶問尚父年八十方遇西伯及武王伐商乃即位

之十三年又其後就國高年如此曰此不可攷因云
秦誓序十有一年武王伐殷經云十有三年春大會
于孟津序必差悞說者乃以十一年為觀兵尤無義
理舊有人引洪範十有三祀王訪于箕子則十一年
之誤可知矣

人傑

亶聰明作元后元后作民父母須是剛健中正出人意
表之君方能立天下之事如創業之君能定禍亂者
皆是智勇過人

人傑

或問天視自我民視天聽自我民聽天便是理否曰若全做理又如何說自我民視聽這裏有些主宰底意思

莊仲問天視自我民視天聽自我民聽謂天即理也曰天固是理然蒼蒼者亦是天在上而有主宰者亦是天各隨他所說今既曰視聽理又如何會視聽雖說不同又却只是一箇知其同不妨其為異知其異不害其為同嘗有一人題分水嶺謂水不曾分某和其

詩曰水流無彼此地勢有西東若識分時異方知合

處同

文蔚○疑與
上條同聞

武成

問武成一篇編簡錯亂曰新有定本以程先生王介甫

劉貢父李

闕

諸本推究甚詳

個

顯道問紂若改過遷善則武王當何以處之曰他別自

從那一邊去做他既稱王無倒殺只著自去做

義剛

洪範

江彞叟疇問洪範載武王勝殷殺紂不知有這事否曰
據史記所載雖不是武王自殺然說斬其頭懸之亦
是有這事又問血流標杵曰孟子所引雖如此然以
書攷之前徒倒戈攻于後以北是殷人自相攻以致
血流如此之盛觀武王興兵初無意于殺人所謂今
日之事不愆于六伐七伐乃止齊焉是也武王之言
非好殺也

卓

問勝殷殺紂之文是如何曰看史記載紂赴火死武王

斬其首以懸於旌恐不必如此書序某者來煞有疑

相傳都說道夫子作亦未知如何

賀孫

問鯀則殛死禹乃嗣興禹為鯀之子當舜用禹時何不
逃走以全父子之義曰伊川說殛死只是貶死之類

明德

問鯀既被誅禹又出而委質不知如何曰蓋前人之愆
又問禹以鯀為有罪而欲蓋其愆非顯父之惡否曰
且如而今人其父打碎了箇人一件家事其子買來

填還此豈是顯父之過

自修

說洪範者來古人文字也不被人牽強說得出只自恁地熟讀少間字字都自會著實又云今人只管要說治道這是治道最緊切處這箇若理會不通又去理會甚麼零零碎碎

道夫

問洪範諸事曰此是箇大綱目天下之事其大者大槩備於此矣問皇極曰此是人君為治之心法如周官一書只是箇仁政而已

個

凡數自一至五五在中自九至五五亦在中戴九履一
左三右七五亦在中又曰若有前四者則方可以建
極一五行二五事三八政四五紀是也後四者却自
皇極中出三德是皇極之權人君所嚮用五福所威
用六極此曾南豐所說諸儒所說惟此說好又曰皇
君也極標準也皇極之君常滴水滴凍無一些不善
人却不齊故曰不協于極不懼于咎天子作民父母
以為天下王此便是皇建其有極又曰尚書前五篇

大槩易曉後如甘誓胤征伊訓太甲咸有一德說命
此皆易曉亦好此是孔氏壁中所藏之書又曰者尚
書漸漸覺曉不得便是有長進若從頭至尾解得便
是亂道高宗彤日是最不可曉者西伯戡黎是稍稍
不可曉者太甲大故亂道故伊尹之言緊切高宗稍
稍聰明故說命之言細膩又曰讀尚書有一箇法半
截曉得半截不曉得曉得底者不曉得底且闕之不
可強通強通則穿鑿又曰敬敷五教在寬只是不急

迫慢慢地養他節

洛書本文只有四十五點班固云六十五字皆洛書本
文古字畫少恐或有模樣但今無所考漢儒說此未
是恐只是以義起之不是數如此蓋皆以天道人事
參互言之五行最急故第一五事又參之于身故第
二身既修可推之于政故八政次之政既成又驗之
於天道故五紀次之又繼之皇極居五蓋能推五行
正五事用八政修五紀乃可以建極也六三德乃是

權衡此皇極者也德既修矣稽疑庶徵繼之者著其
驗也又繼之以福極則善惡之效至是不可加矣皇
極非大中皇乃天子極乃極至言皇建此極也東西
南北到此恰好乃中之極非中也但漢儒雖說作中
字亦與今不同如云五事之中是也今人說中只是
含胡依違善不必盡賞惡不必盡罰如此豈得謂之

中

可學

天下道理只是一箇包兩箇易便只說到八箇處住洪

範說得十數住五行五箇便有十箇甲乙便是兩箇
木丙丁便是兩箇火戊己便是兩箇土金水亦然所
謂兼三才而兩之便都是如此大學中明明德便包
得格物致知誠意正心修身五箇新民便包得齊家
治國平天下三箇自暗室屋漏處做去到得無所不
周無所不徧都是這道理自一心之微以至於四方
之遠天下之大也都只是這箇義剛

箕子為武王陳洪範首言五行次便及五事蓋在天則

是五行在人則是五事

儒用

自水曰潤下至稼穡作甘皆是二意水能潤能下火能炎能上金曰從曰革從而又能革也

德明

忽問如何是金曰從革對曰是從已之革曰不然是或從或革耳從者從所鍛制革者又可革而之他而其堅剛之質依舊自存故與曲直稼穡皆成雙字炎上者上字當作上聲潤下者下字當作去聲亦此意大金曰從革一從一革互相變而體不變且如銀打一隻

推大

蓋便是從更要別打作一件家事便是革依舊只是
這物事所以云體不變個

從革作辛是其氣割辣曲直作酸今以兩片木相擦則

齒酸是其驗也

夔孫

問視聽言動比之洪範五事動是貌字否如動容貌之
謂曰思也在這裏了動容貌是外面底心之動便是
思又問五行比五事曰曾見吳仁傑說得也順它云
貌是水言是火視是木聽是金思是土將庶徵來說

便都順問貌如何是水曰它云貌是濕潤底便是水
故其徵便是肅時雨若洪範乃是五行之書看得它
都是以類配得到五福六極也是配得但是畧有不
齊問皇極五福卽是此五福否曰便只是這五福如
斂時五福用敷錫厥庶民斂底卽是盡得這五事以
此錫庶民便是使民也盡得此五事盡得五事便有

五福

變
孫

問五刑所屬曰

備錄云問形質屬
土曰從前如此說

舊本謂雨屬木暘屬

金及與五事相配皆錯亂了吳斗南說雨屬水暘屬
火燠屬木寒屬金風屬土看來雨只得屬水自分曉
如何屬木問寒如何屬金曰他討得證據甚好左傳
云金寒玦離又貌言視聽思皆是以次相屬問貌如
何屬水曰容貌須光澤故屬水言發於氣故屬火眼
主肝故屬木金聲清亮故聽屬金問凡上四事皆原
於思亦猶水火木金皆出於土也曰然又問禮如何
屬火曰以其光明問義之屬金以其嚴否曰然

胡詠

視曰明是視而使見之謂明聽曰聰是聽而使聞之謂

聰思曰睿是思而使通之謂睿

道夫

伯模云老蘓著洪範論不取五行傳而東坡以為漢儒

五行傳不可廢此亦自是既廢則後世有忽天之心

先生曰漢儒也穿鑿如五事一事錯則皆錯如何却

云聽之不聰則某事應貌之不恭則某事應

道夫

五皇極只是說人君之身端本示儀於上使天下之人
則而效之聖人固不可及然約天下而使之歸於正

者如皇則受之則錫之福也所謂遵王之義遵王之道者天下之所取法也人君端本豈有他哉修於已而已一五行是發原處二五事是總持處八政則治民事五紀則協天運也六三德則施為之樽節處七稽疑則人事已至而神明其德處庶徵則天時之徵驗也五福六極則人事之徵驗也其本皆在人君之心其責亦甚重矣皇極非說大中之道若說大中則皇極都了五行五事等皆無歸著處又云便是篤恭

而天下平之道天下只是一理聖賢語言雖多皆是此理如尚書中洛誥之類有不可曉處多然間有說道理分曉處不須訓釋自然分明如云王敬作所不可不敬德肆惟王其疾敬德不敢替厥義德等語是也

人傑卜儿○
帶錄詳見下

皇極二字皇是指人君極便是指其身為天下做箇樣子使天下視之以為標準無偏無黨以下數語皆是皇之所建皆無偏黨好惡之私天下之人亦當無作

好作惡便是遵王之道遵王之路皆會歸於其極皆是視人君以為歸下文是彛是訓於帝其訓是訓是行以近天子之光說得自分曉天子作民父母以為天下王則許多道理盡在此矣但緣聖人做得樣子高大人所難及而不可以此盡律天下之人雖不協于極但不罹于咎者皇亦受之至於而康而色自言好德者亦錫之福極不可以大中訓之只是前面五行五事八政五紀是已却都載在人君之身包括盡

了五行是發源處五事是操持處八政是修人事五
紀是順天道就中以五事為主視明聽聰便是建極
如明如聰只是合德地三德亦只是就此道理上為
之權衡或放高或捺低是人事盡了稽疑又以卜筮
參之若能建極則推之於人使天下皆享五福驗之
於天則為休徵若是不能建極則其在人事便為六
極在天亦為咎徵其實都在人君身上又不過敬用
五事而已此即篤恭而天下平之意以是觀之人君

之所任者豈不重哉如此則九疇方貫通為一若以
大中之言之則九疇散而無統大抵諸書初者其言若
不勝其異無理會處究其指歸皆只是此理如名誥
中其初說許多言語艱深難曉却緊要處只是惟王
不可不敬德而已帶

問先生言皇極之極不訓中只是標準之義然無偏無
黨無反無側亦有中意曰只是箇無私意問標準之
義如何曰此是聖人正身以作民之準則問何以能

斂五福曰當就五行五事上推究人君修身使貌恭
言從視明聽聰思睿即身自正五者得其正則五行
得其序以之稽疑則龜從筮從卿士從庶民從在庶
徵則有休徵無咎徵和氣致祥有仁壽而無鄙夭便
是五福反是則福轉為極陸子靜荆門軍曉諭乃是
斂六極也

德明

先生問曹尋常說皇極如何曹云只說作大中曰某謂
不是大中皇者王也極如屋之極言王者之身可以

為下民之標準也貌之恭言之從視明聽聰則民觀而化之故能使天下之民無有作好而遵王之道無有作惡而遵王之路王者又從而斂五者之福而錫之於庶民斂者非取之於外亦自吾身先得其正然後可以率天下之民以歸於正此錫福之道也卓

中不可解做極極無中意只是在中乃至極之所為四向所標準故因以為中如屋極亦只是在中為四向所準如建邦設都以為民極亦只是中天下而立為

四方所標準如立我蒸民莫匪爾極來牟豈有中意亦只是使人皆以此為準如北極如宸極皆然若只說中則殊不見極之義矣淳

皇極如以為民極標準立於此四方皆面內而取法皇謂君也極如屋極陰陽造化之總會樞紐極之為義窮極極至以上更無去處祖閑

極盡也先生指前面香卓四邊盡處是極所以為之四極四邊視中央中央即是極也堯都平陽舜都蒲坂

四邊望之一齊者著平陽蒲坂如屋之極極高之處
四邊到此盡了去不得故謂之極宸極亦然至善亦
如此應于事到至善是極盡了更無去處故君子無
所不用其極書之皇極亦是四方所瞻仰者皇有訓
大處惟皇極之皇不可訓大皇只當作君所以說遵
王之義遵王之路直說到後面以為天下王其意可
見蓋皇字下從王泳

今人將皇極字作大中解了都不是皇建其有極不成

是大建其有中時人斯其惟皇之極不成是時人斯其惟大之中皇須是君極須是人君建一箇表儀於上且如北極是在天中喚作北中不可屋極是在屋中喚作屋中不可人君建一箇表儀于上便有肅又哲謀聖之應五福備具推以與民民皆從其表儀又相與保其表儀下文凡厥庶民以下言人君建此表儀又須知天下有許多名色人須逐一做道理處著始得於是有念之受之錫之福之類隨其人而區處

之大抵皇極是建立一箇表儀後又有廣大含容區
處周備底意思嘗疑正人正字只是中常之人此等
人須是富方可與為善與無常產有常心者有異有
能有為是有才之人有猷有為有守是有德之人無
偏無陂以下只是反復歌詠若細碎解都不成道理

璘

東坡書傳中說得極字亦好

璘

無有作好無有作惡謂好所當好惡所當惡不可作為

耳必大

問箕子陳洪範言彞倫攸叙見事事物物中得其倫理則無非此道非道便無倫理曰固是曰王道蕩蕩又曰王道平平曰無黨無偏又曰無偏無黨只是一箇道如何如此反復說只是要得人反覆思量入心來則自有所見矣大雅

會其有極歸其有極會歸字無異義只是重疊言之與既言無偏無黨又言無黨無偏無別說也

符叙舜功云象山在荆門上元須作醮象山罷之勸諭
邦人以福不在外但當求之內心於是日入道觀設
講座說皇極令邦人聚聽之次日又畫為一圖以示
之先生曰人君建極如箇標準如東方望也如此西
方望也如此南方望也如此北方望也如此莫不取
則於此如周禮以為民極詩維民之極四方之極都
是此意中固在其間而極不可以訓中漢儒注說中
字只說五事之中猶未為害最是後世說中字不是

近日之說只要含胡苟且不分是非不辨黑白過當
做底事只畧略做些不要做盡此豈聖人之意又云
洪範一篇首尾都是歸從皇極上去蓋人君以一身
為至極之標準最是不易又須斂是五福所以斂聚
五福以為建極之本又須是敬五事順五行厚八政
協五紀以結裏箇皇極又須入三德使事物之接剛
柔之辨須區處教合宜稽疑便是考之於神庶徵是
驗之于天五福是體之于人這下許多是維持這皇

極正人猶言中人是平平底人是有常產方有常心
底人又云今人讀書麤心大膽如何看得古人意思
如說八庶徵這若不細心體識如何會見得肅時雨
若肅是恭肅便自有滋潤底意思所以便說時雨順
應之又時暘若又是整治便自有開明底意思所以
便說時暘順應之哲時燠若哲是普照便自有和暖
底意思謀時寒若謀是藏密便是有寒結底意思聖
時風若聖則通明便自有爽快底意思符云謀自有

顯然著見之謀聖是不可知之妙不知於寒於風果
相關否曰凡看文字且就地頭看不可將大底便來
壓了箕子所指謀字只是且說密謀意思聖只是說
通明意思如何將大抵來壓了便休如說喫枣固是
有大如瓜者且就眼下說只是常常底東如煎藥合
用東子幾箇自家須要說東如瓜大如何用得許多
人若心下不細如何讀古人書洪範庶徵固不是定
如漢儒之說必以為有是應必有是事多雨之徵必

推說道是某時做某事不肅所以致此為此必然之說所以教人難盡信但古人意精密只於五事上體察是有此理如荆公又却要一齊都不消說感應但把若字做如似字義說做譬喻說了也不得荆公固是也說道此事不足驗然而人主自當謹戒如漢儒必然之說固不可如荆公全不相關之說亦不可古人意精密恐後世見未到耳因云古人意思精密如易中八字剛柔終始動靜往來只這七八字移換

上下添助語此多少精微有意味見得象象極分明

孫賀

三衢夏唐老作九疇圖因執以問讀未竟至所謂皆天也非人之所能為也遂指前圖子云此乃人為安得而皆天也洪範文字最難作向來亦將天道人事分配為之後來覺未盡遂已之直是難以私意安排若只管外邊出意推將去何所不可只是理不如此蘓氏以皇極之建為雨暘寒燠風之時皇極不建則反

此漢儒之說尤踈如以五般皇極配庶徵却外邊添
出一皇極或此邊減却一箇庶徵自增自損皆出已
意然此一篇文字極是不齊整不可曉解如五福對
六極一曰壽正對凶短折二曰富正對貧三曰康寧
對疾與弱皆其類也攸好德却對惡參差不齊不容
布置如曰斂時五福錫厥庶民不知如何斂又復如
何錫此只是順五行不違五事自己立標準以示天
下使天下之人得以觀感而復其善爾今人皆以皇

極為大中最無義理如漢儒說五事之中固未是猶
似勝此蓋皇者君之稱也如皇則受之皇建其極之
類皆不可以大字訓皇字中亦不可以訓極極雖有
中底意思但不可便以為中只訓得至字如北極之
極以為民極之極正是中天下而立之意謂四面湊
合至此更無去處今即以皇極為大中者更不賞善
亦不罰惡好善惡惡之理都無分別豈理也哉謨

彊弗友以剛克之變友柔克之此治人也資質沈潛以

剛克之資質高明以柔克之此治已也燾

沈潛剛克高明柔克治也言人資質沈潛者當以剛

克之資質高明者當以柔治之此說為勝個

衍忒衍疑是過多剩底意思忒是差錯了個

洪範却可理會天人相感庶徵可驗以類而應也秦時

六月皆凍死人

一極備凶一極無凶多此子不得無此子不得詠

王省惟歲言王之所當省者一歲之事卿士所省者一

月之事以下皆然備

問王省惟歲卿士惟月師尹惟日曰此但言職任之大
小如此又問庶民惟星一句解不通并下文星有好
風星有好雨意亦不貫曰家用不寧以上自結上文
了下文却又說起星文意似是兩段云云又問箕星好
風畢星好雨曰箕只是簸箕以其簸揚而鼓風故月
宿之則風古語云月宿箕風揚沙畢是又網漉魚底
又子又鼎中漉肉又子亦謂之畢凡以畢漉魚肉其

汁水淋漓而下若雨然畢星名義蓋取此今畢星上
有一柄下開兩叉形狀亦類畢故月宿之則雨漢書
謂月行東北入軫若東南入箕則風所以風者蓋箕
是南方屬巽巽為風所以好風恐未必然個

庶民惟星庶民猶星也燾

問五福六極曰民之五福人君當嚮之民之六極人君
當畏之燾

五福六極曾子固說得極好洪範大槩曾子固說得勝

於諸人個

凶短折

兩事

惡弱

惡是自暴弱
是自棄○燠

旅燹

近諸孫將旅燹來讀是時武王已八十餘歲矣太保此
書諄諄如教小兒相似若自後世言之則為非所宜
言不尊君矣銖問人不易物之易合如字合作去聲
曰看上文意則當作如字讀但德盛不狎侮又難說
又問志以道寧言以道接接字如何曰接者酬應之

謂言當以道酬應也

志我之志言人之言。銖

人不易物惟德其物易改易也言人不足以易物惟德足以易物德重而人輕也人猶言位也謂居其位者如寶玉雖貴若有人君之德則所錫賚之物斯足貴若無其德則雖有至寶以錫諸侯亦不足貴也

個

金滕

林闡一問周公代武王之死不知亦有此理否曰聖人為之亦須有此理

之本

是有丕子之責于天責如責侍子之責周公之意云設
若三王欲得其子服事于彼則我多才多藝可以備
使令且留武王以鎮天下也

傑人

成王方疑周公二年之間二公何不為周公辨明若天
不雷電以風二公終不進說矣當是時成王欲誚周
公而未敢蓋周公東征其勢亦難誚他此成王雖深
疑之而未敢誚之也若成王終不悟周公須有所處

矣

傑人

問周公作鴟鴞之詩以遺成王其辭艱苦深奧不知成
王當時如何理會得曰當時事變在眼前故讀其詩
者便知其用意所在自今讀之既不及見當時事所
以謂其詩難曉然成王雖得此詩亦只是未敢誚公
其心未必能遂無疑及至雷風之變啓金縢之書後
方始釋然開悟先生却問必大曰成王因何知有金
縢後去啓之必大曰此二公贊之也又問二公何故
許時不說若雷不響風不起時又如何必大曰聞之

呂大著云此見二公功夫處二公在裏面調護非一日矣但他人不得而知耳曰伯恭愛說一般如此道理必大問其說畢竟如何曰是時周公握了大權成王自是轉動周公未得便假無風雷之變周公亦須別有道理

李懷光反其子璿告德宗曰臣父能危陛下陛下不能制臣父借此可見當時事勢

然在周公之事則不過使成王終于省悟耳○必大

書中可疑諸篇若一齊不信恐倒了六經如金縢亦有非人情者雨反風未盡起也是差異成王如何又恰

限去啓金滕之書然當周公納策於櫃中豈但二公知之盤庚更沒道理從古相傳來如經傳所引用皆此書之文但不知是何故說得都無頭且如今告諭民間一二事做得幾句如此他曉得曉不得只說道要遷更不說道自家如何要遷如何不可以不遷萬民因甚不要遷要得人遷也須說出利害今更不說呂刑一篇如何穆王說得散漫直從苗民蚩尤為始作亂說起若說道都是古人元文如何出于孔氏者

多分明易曉出於伏生者都難理會

賀孫

大誥

大誥一篇不可曉據周公在當時外則有武庚管蔡之叛內則有成王之疑周室方且岌岌然他作此書決不是備禮苟且為之必欲以此聳動天下也而今大誥大意不過說周家辛苦做得這基業在此我後人不可不有以成就之而已其後又却專歸在下其意思緩而不切殊不可曉

廣

因言武王既克紂武庚三監及商民畔曰當初紂之暴虐天下之人胥怨無不欲誅之及武王既順天下之心以誅紂於是天下之怨皆解而歸周矣然商之遺民及與紂同事之臣一旦見故主遭人殺戮宗社為墟寧不動心茲固畔心之所由生也蓋始苦於紂之暴而欲其亡固人之心及紂既死則怨已解而人心復有所不忍亦事勢人情之必然者又况商之流風善政畢竟尚有在人心者及其頑民感商恩意之深

此其所以畔也

云云

後來樂毅伐齊亦是如此

個

王若曰周公若曰若字只是一似如此說底意思如漢書中帝意若曰之類蓋或宣道德意者敷演其語或紀錄者失其語而追記其意如此也

個

書中弗弔字只如字讀解者欲訓為至故音約非也其義正如詩中所謂不吊昊天耳言不見憫吊於上帝也

個

棊字與匪字同

據漢書
○敬德

忱謹字只訓信天棊忱如云天不可信

個

總論康誥梓材

康誥梓材洛誥諸篇然有不可曉處今人都自強解說去伯恭亦自如此看伯恭說書自首至尾皆無一字理會不得且如書中注家所說錯處極多如棊字竝作輔字訓更曉不得後讀漢書顏師古注云匪棊通用如書中有棊字止合作匪字義如率乂于民棊彞乃是率治于民非常之事

賀孫

康誥三篇此是武王書無疑其中分明說王若曰孟侯
朕其弟小子封豈有周公方以成王之命命康叔而
遽述已意而告之乎決不解如此五峯吳才老皆說
是武王書只緣誤以洛誥書首一段置在康誥之前
故叙其書於大誥微子之命之後問如此則封康叔
在武庚未叛之前矣曰想是同時商畿千里紂之地
亦甚大所封必不止三兩國周公使三叔監殷他却
與武庚叛此是一件大踈脫事若當時不便平息模

樣做出西晉初年時事想見武庚日夜去說誘三叔
以為周公弟也却在周作宰相管叔兄也却出監商
故管叔生起不肖之心如此廣

康誥酒誥是武王命康叔之詞非成王也

如朕其弟小子封又曰乃

寡兄勗猶今人言弟兄也

故五峰編此書於皇王大紀不屬成王

而載於武王紀也至若所謂惟三月哉生魄周公初
基作新大邑于東國洛至乃洪大誥治自東坡者出
以為非康誥之詞而梓材一篇則又有可疑者如稽

田垣墉之喻却與無相戕無胥虐之類不相似以至
於欲至于萬年惟王子子孫孫永保民却又似洛誥
之文乃臣戒君之詞非酒誥語也

道夫

康誥

惟三月哉生魄一段自是脫落分曉且如朕弟寡兄是
武王自告康叔之辭無疑蓋武王周公康叔同叫作
兄豈應周公對康叔一家人說話安得叫武王作寡
兄以告其弟子蓋寡者是向人稱我家我國長上之

辭也只被其中有作新大邑于東國洛數句遂牽引得序來作成王時書不知此是脫簡且如梓材是君戒臣之辭而後截又皆是臣戒君之辭要之此三篇斷然是武王時書若是成王不應所引多文王而不及武王且如今人才說太祖便須及太宗也又曰某常疑書注非孔安國作蓋此傳不應是東晉方出其文又皆不甚好不似西漢時文

義剛

問生明生魄如何曰日為魂月為魄魄是黯處魄死則

明生書所謂哉生明是也老子所謂載營魄載如車載人之載月受日之光魂加於魄魄載魂也明之生時大盡則初二小盡則初三月受日之光常全人在下望之却見側邊了故見其盈虧不同或云月形如餅非也筆談云月形如彈圓其受光如粉塗一半月去日近則光露一眉漸遠則光漸大且如日在午月在酉則是近一遠三謂之弦至日月相望則去日十矣既謂之既望日在西而月在東人在下面得以望見

其光之全月之中有影者蓋天包地外地形小日在

地下則月在天中日甚大從地四面光起

他本作
街上

其

影則地影也地礙日之光世所謂山河大地影是也

如星亦受日光凡天地之光皆日光也自十六日生

魄之後其光之遠近如前之弦謂之下弦至晦則月

與日相背月在日後光盡體伏矣魄加日之上則日

食在日之後則無食謂之晦朔則日月相並又問步

里客談所載如何曰非又問月蝕如何曰至明中有

暗處

池本作暗
虛下同

其暗至微望之時月與之正對無分

毫相差月為暗處所射故蝕雖是陽勝陰畢竟不好

若陰有退避之意則不至相敵而成蝕也

義剛

庸庸祇祇威威顯民此等語既不可曉只得且用古注

古注既是杜撰如今便別求說又杜撰不如他矣

營

非汝封刑人殺人無或刑人殺人非汝封又曰劓刑人

無或劓刑人康叔為周司寇故一篇多說用刑此但

言非汝封刑人殺人則無或敢有刑人殺人者蓋言

用刑之權止在康叔不可不謹之意耳廣

酒誥

徐孟寶問楊子雲言酒誥之篇俄空焉曰孔書以平盞
事不曾傳漢儒不曾見者多如鄭康成晉杜預皆然
想揚子雲亦不曾見大雅

因論點書曰人說荆公穿鑿只是好處亦用還他且如
矧惟若疇圻父薄違農父若保宏父定辟古注從父
字絕句荆公則就違保辟絕句復出諸儒之表道夫

曰更如先儒點天降割于我家不少延用寧王遺我
大寶龜皆非注家所及曰然道
夫

梓材

吳才老說梓材是洛誥中書甚好其他文字亦有錯亂
而移易得出人意表者然無如才老此樣處恰恰好
好

尚書句讀有長者如皇天既付中國民越厥疆土于先

王是一句帶

名詁洛詁

問周詁辭語艱澁如何者曰此等是不可曉林丈說又
軒以為方言曰只是古語如此竊意當時風俗恁地
說話人便都曉得如這物事喚做這物事今風俗不
喚做這物事便曉他不得如蔡仲之命君牙等篇乃
當時與士大夫語似今翰林所作制詁之文故甚易
曉如詁是與民語乃今官司行移曉諭文字有帶時
語在其中今但曉其可曉者不可曉處則闕之可也

如詩景員維河上下文皆易曉却此一句不可曉又
如三壽作朋三壽是何物歐陽公記古語亦有三壽
之說想當時自有此般說話人都曉得只是今不可
曉問東萊書說如何曰說得巧了向常問他有疑處
否曰都解得通到兩三年後再相見曰儘有可疑者
淳○義剛錄云問五誥辭語恁地短促如何曰這般
底不可曉林擇之云艾軒以為方言曰亦不是方言
只是古語
如此云云

王敬作所不可不敬德只是一句道夫

因讀尚書曰其間錯誤解不得處煞多昔伯恭解書因問之云尚書還有解不通處否曰無有因舉洛誥問之云據成王只使周公往營洛故伴來獻圖及卜成王未嘗一日居洛後面如何却與周公有許多答對又云王在新邑此如何解伯恭遂無以答後得書云誠有解不得處雉問先生近定武成新本曰前輩定本更差一節王若曰一段或接于征伐商之下以為誓師之辭或連受命於周之下以為命諸侯之辭以

為誓師之辭者固是錯連下文說了以為命諸侯之辭者此去祭日只爭一兩日無緣有先誥命諸侯之理某省却是諸侯來便教他助祭此是祭畢臨遣之辭當在大誥武成之下比前章只差此一節雜

周公曰王肇稱殷禮以後皆是論祭祀然其中又雜得別說在振

無逸

柳兄言東萊解無逸一篇極好曰伯恭如何解君子所

其無逸柳曰東萊解所字為居字曰若某則不敢如此說諸友問先生如何說曰恐有脫字則不可知若說不行而必強立一說雖若可觀只恐道理不如此

蓋卿

舜功問徽柔懿恭是一字是二字曰二字上輕下重柔者須微恭者須懿柔而不徽則姑息恭而不懿則非

由中出可學○璘錄云柔易于暗弱徽有發揚之意恭形于外懿則有蘊藏之意

君奭

顯道問召公不悅之意曰召公不悅只是小序恁地說裏面却無此意這只是召公要去後周公留他說道朝廷不可無老臣又問又曰等語不可曉曰這箇只是大綱綽得箇意脉子便恁地說不要逐箇字去討便無理會這箇物事難理會又曰弗吊只當作去聲

讀義
剛

召公不悅這意思曉不得若論事了儘未在看來是見成王已臨政便也小定了許多事周公自可當得所

以求去

多方

艾軒云文字只看易曉處如尚書惟聖罔念作狂惟狂

克念作聖下面便不可曉只看這兩句此節或錄云此兩句不與

上下文相似上
下文多不可曉

立政

文王惟克厥宅心人皆以宅心為處心非也則前面所

說三有宅心爾若處心則當云克宅厥心方子

周官

漢人亦不見今文尚書如以太尉司徒司空為三公當時只見牧誓有所謂司馬司空司徒亞旅遂以為古之三公不知此乃為諸侯時制古者諸侯只建三卿如周官所謂三太三少六卿及周禮書乃天子之制漢皆不及見又如中庸一戎衣解作殪戎殷亦是不見今武成一戎衣之文

義剛

顧命康王之誥

康王之誥釋斬哀而服袞冕於禮為非孔子取之又不知如何設使制禮作樂當此之職只得除之

伏生以康王之誥合於顧命今除著序文讀看則文勢

自相連接道

夫

銖問太保稱成王獨言畢協賞罰何也曰只為賞不當功罰不及罪故事事差錯若畢協賞罰至公至明何以填此又問張皇六師曰古者兵藏於農故六軍皆寓於農張皇六師則是整頓民衆底意思至

君牙

安知問君牙罔命等篇見得穆王氣象甚好而後來乃
有車轍馬跡馳天下之事如何曰此篇乃內史太史
之屬所作猶今之翰林作制語然如君陳周官蔡仲
之命微子之命等篇亦是當時此等文字自有箇格
子首呼其名而告之末又為嗚呼之辭以戒之篇篇
皆然觀之可見如大誥梓材多方多士等篇乃當時
編人君告其民之辭多是方言如卬字即我字沈存

中以為秦語平音而謂之邛故諸誥等篇當時下民
曉得而今士人不曉得如尚書尚衣尚食尚乃主守
之意而秦語作平音與常字同諸命等篇今士人以
為易曉而當時下民却曉不得剛義

問命

問格其非心之格訓正是如格式之格以律人之不正
者否曰如今人言合格是將此一物格其不正者人
傑

錄云如合格之格
謂使之歸于正也

如格其非心是說得深者格君心

之非是說得淺者子善因問溫公以格物為杆格之
格不知格字有訓杆義否曰亦有之如格闕之格是

也

深淺之說
未詳○錄

呂刑

東坡解呂刑王享國百年耄作一句荒度作刑作一句

甚有理如洛誥等篇不可曉只合闕疑

德明

問贖刑所以寬鞭朴之刑則呂刑之贖刑如何曰呂刑
蓋非先王之法也故程子有一策問云商之盤庚周

之呂刑聖人載之於書其取之乎抑將垂戒後世乎
廣

問鄭敷文所論甫刑之意是否曰便是他們都不去攷
那贖刑如古之金作贖刑只是刑之輕者如流宥五
刑之屬皆是流竄但有鞭作官刑朴作教刑便是法
之輕者故贖想見穆王胡做亂做到晚年無錢使撰
出這般法來聖人也是志法之變處但是他其中論
不可輕於用刑之類也有許多好說話不可不知又

問本朝之刑與古雖相遠然也較近厚曰何以見得
義剛曰如不甚輕殺人之類曰也是但律較輕勅較
重律是古來底勅是本朝底而今用時勅之所無方
用律本朝自徒以下罪輕古時流罪不刺面只如今
白面編管樣是唐五代方是黥面決脊如折杖却是
太祖方創起這却較寬安卿問律起於何時曰律是
從古來底逐代相承修過今也無理會了但是而今
刑統便是但律下面注底便是周世宗者如宋莒公

所謂律應從而違堪供而闕此六經之亞文也所謂律者漢書所引律便是但其辭古難曉如當時數大獄引許多詞便如而今款樣引某罪引某法為斷本朝便多是用唐法義剛曰漢法較重于唐當時多以語辭獲罪曰只是他用得如此當時之法却不曾恁地他只見前世輕殺人便恁地且如楊惲一書者得來有甚大段違法處謂之不怨不可但也無謗朝政之辭却便謂之腹誹而腰斬義剛

仲默問五刑不贖之意曰是穆王方有贖刑嘗見蕭望
之言古不贖刑某甚疑之後來方省得贖刑不是古
因取望之傳者畢曰說得也無引證因論望之云想
見望之也是拗義剛問望之學術不知是如何又似
好樣又却有那差異處先生徐應曰他說底也是
正義剛曰如殺韓延壽分明是他不是曰望之道理
短義剛曰看來他也是暗於事機被那兩箇小人恁
地弄後都不知先生但應之而已


義剛

國秀問穆王去文武成康時未遠風俗人心何緣如此不好曰天下自有一般不好底氣象聖人有那禮樂刑政在此維持不好底也能革面至維持之具一有廢弛處那不好氣質便自各出來和那革面底都無了所以恁地不好人之學問逐日恁地恐懼修省得恰好纔一日放倒便都壞了恪

秦誓費誓

秦誓言費誓亦皆有說不行不可曉處民訖自若是多盤

想只是說人情多要安逸之意廣



朱子語類卷七十九